

1. **ხედვა:** რა გესახებათ თქვენი, როგორც საქართველოს პრეზიდენტის ყველაზე დიდ ამოცანად?

საქართველოს ტერიტორიული გამთლიანება.

2. **განათლება:** როგორია თქვენი ხედვა განათლების პოლიტიკის მიმართ? როგორ პოლიტიკას უჭერთ მხარს დაწყებითი, საშუალო, პროფესიული და უმაღლესი განათლების ხარისხის გასაუმჯობესებლად?

მხარს ვუჭერ ბოლონის პროცესის რეალურ დანერგვას და სახელმწიფო ბიუჯეტიდან დაფინანსებულ განათლებას.

3. **გადასახადები:** თქვენი აზრით, როგორი საგადასახადო სისტემაა მისაღები საქართველოსთვის და რა პრინციპით უნდა განისაზღვრებოდეს საშემოსავლო გადასახადი?

სოციალურად სამართლიანი საშემოსავლო გადასახადი, რომელიც უნდა განისაზღვროს შემოსავლების რაოდენობის მიხედვით.

4. **ეკონომიკა:** როგორია თქვენი ხედვა ეკონომიკური ზრდის უზრუნველსაყოფად? რა არის პრიორიტეტული და რა კონკრეტულ ინიციატივებს შესთავაზებდით საქართველოს მთავრობასა და პარლამენტს?

გადამამუშავებელი საწარმოების მასობრივი შექმნა-ამუშავება, ინვესტორებისთვის დაბალი გადასახადით.

5. **დასაქმება:** თქვენი აზრით, რა არის ის ძირითადი ნაბიჯები, რაც სახელმწიფომ უნდა გადადგას უმუშევრობის პრობლემის მოსაგვარებლად?

ბიზნესის განთავისუფლება პოლიტიკური კლანებისგან, საშუალო და წვრილი ბიზნესის განვითარება.

6. **ჯანდაცვა:** რა პოლიტიკასა და კონკრეტულ გადაწყვეტილებებს დაუჭერდით მხარს რათა გაიზარდოს ჯანდაცვის ხელმისაწვდომობა და ამალდეს მისი ხარისხი?

გადაუდებელი სამედიცინო დახმარების საბიუჯეტო უზრუნველყოფა.

7. სოციალური უსაფრთხოება: რა პოლიტიკას დაუჭერდით მხარს სოციალური უსაფრთხოების გაუმჯობესების მისაღწევად?

პენსიების და სოციალური დახმარების შესაბამისობა რეალურ საარსებო მინიმუმთან და კომპენსაცია უმუშევრებზე.

8. ადგილობრივი თვითმმართველობა: თქვენი აზრით, რა პრინციპით უნდა იყოს ორგანიზებული ადგილობრივი თვითმმართველობა საქართველოში?

პირდაპირი არჩევნების პრინციპი.

9. ტერიტორიული მთლიანობის საკითხები: რა კონკრეტულ ნაბიჯებს გადადგავთ ხალხთა შორის ნდობისა და ტერიტორიული მთლიანობის აღდგენისათვის?

გამყოფ ხაზებზე ვაჭრობის განვითარება, რუსეთთან ურთიერთობის ნორმალიზება.

10. უმცირესობათა უფლებები: რას ფიქრობთ სექსუალურ უმცირესობათა უფლებების დაცვისა და ქვეყნის საზოგადოებრივ-პოლიტიკურ ცხოვრებაში მათი თანასწორუფლებიანობის უზრუნველყოფის საკითხზე?

სექსუალურ უმცირესობათა წარმომადგენლები საქართველოში ყოველთვის უპრობლემოდ მონაწილეობდნენ და მონაწილეობენ საზოგადოებრივ და პოლიტიკურ ცხოვრებაში, თუმცა არ მიმაჩნია სწორად სექსუალური ორიენტაციის ქუჩაში დემონსტრირება, ისევე როგორც წინააღმდეგი ვარ ყოველგვარი ძალადობის.

11. ქალთა მონაწილეობა პოლიტიკაში: გთხოვთ, აღწეროთ თქვენი ინიციატივები (თუკი ასეთი გაქვთ) და პოზიცია ქალთა პოლიტიკაში თანამონაწილეობის გაზრდისათვის საჭირო ღონისძიებების შესახებ.

არ ვფიქრობ, რომ საქართველოში ეს პრობლემა არსებობდეს. პოლიტიკაში უნდა მონაწილეობდეს ქალიც და კაციც, თუ ამის შესაძლებლობა და რესურსი აქვს.

12. უმცირესობათა უფლებები: რა პოლიტიკას გაატარებდით ეთნიკური უმცირესობების უფლებათა დაცვისა და საზოგადოებრივ-პოლიტიკურ ცხოვრებაში მათი მეტი ინტეგრაციისათვის?

ეთნიკური უმცირესობების უფლებები ისევე განუხრელად იქნება დაცული, როგორც ყველა დანარჩენის.

13. გარემოს დაცვა/ეკოლოგია: *გთხოვთ, დაგვისახელოთ თქვენი წინადადებები (თუკი ასეთი გაქვთ), რომლებიც მიმართულია უფრო ჯანსაღი და უსაფრთხო საცხოვრებელი გარემოს შექმნისაკენ.*

სპეციალური ეკოლოგიური სახელმწიფო კონტროლის შექმნა და ეკოლოგიურ დარღვევებზე პასუხისმგებლობის გამკაცრება.

14. საგარეო პოლიტიკა და სტრატეგიული თანამშრომლობა: *რომელ ქვეყნებთან/ქვეყანათა გაერთიანებებთან/ალიანსებთან იზრუნებთ სტრატეგიული, მათ შორის სამხედრო-სტრატეგიული პარტნიორობისა და თანამშრომლობის ფორმირებას ან განმტკიცებაზე? რა ნაბიჯებს გადადგამთ ამ მხრივ? რომელი ქვეყანა/გაერთიანება/ალიანსი წარმოგიდგენიათ საქართველოს მთავარ სტრატეგიულ პარტნიორად?*

საქართველოს სტრატეგიული პარტნიორები არიან ევროკავშირი, ამერიკის შეერთებული შტატები და ნატო. შესაბამისად ეს კურსი გაგრძელდება.

15. რეგიონული თანამშრომლობა: *როგორ წარმოგიდგენიათ საქართველოს როლი სამხრეთ კავკასიასა და შავი ზღვის აუზში?*

საქართველოს როლი რეგიონში წარმომიდგენია, როგორც დამაკავშირებელი გეო-პოლიტიკური ცენტრი სამხრეთ და ჩრდილოეთ, აღმოსავლეთ და დასავლეთს შორის.

16. თავდაცვის პოლიტიკა: *როგორ წარმოგიდგენიათ თავდაცვის ორგანიზაცია? სამხედრო სამსახურის როგორ ფორმას უჭერთ მხარს?*

ნატოს სტანდარტების თავდაცვის რეფორმის გაგრძელება; სავალდებულო სამხედრო სამსახური.

17. უსაფრთხოების პოლიტიკა: *როგორ წარმოგიდგენიათ საქართველოს ეროვნული უსაფრთხოების ძირითადი არქიტექტურა/პრინციპები?*

მოკავშირეობა დასავლეთთან და რუსეთთან ურთიერთობის ნორმალიზება

18. ორსულობის ხელოვნური შეწყვეტა: *თქვენი აზრით, უნდა აიკრძალოს თუ არა ორსულობის ხელოვნური შეწყვეტა - აბორტი? რატომ?*

ვფიქრობ, ეს საკითხი რეფერენდუმზე უნდა გავიდეს.

19. გადასახადები და კრედიტი: *უნდა ჰქონდეთ თუ არა კრედიტორებს კრედიტის/გასესხებული თანხის იპოთეკით დატვირთული საცხოვრებელი ფართის ხარჯზე ამოღების უფლება? რატომ?*

არ ვეთანხმები ვალის გადაუხდელობის გამო, საცხოვრებლიდან გამოსახლებას.

20. მიწის საკუთრება: *როგორ ფიქრობთ, უნდა შეეძლოს თუ არა უცხო ქვეყნის მოქალაქეებს შეიძინონ სასოფლო-სამეურნეო მიწა საქართველოში?*

ვფიქრობ, რომ არა, რადგან რეგიონში არსებული დამაბულობის გამო, მიწის მესაკუთრეთა სტატუსით, საქართველოში შეიძლება უცხოეთიდან თავი მოიყარონ ისლამისტმა ექსტრემისტებმა.